


Trinka dhe Semi

Mposhtja e virusit të madh

Trinka, Semi dhe Qyteza punojnë tok



www.nukjevetem.al

CIP Katalogimi në botim BK Tiranë

Ippen, Chandra Ghosh

Trinka dhe Semi : mposhtja e virusit të madh : Trinka, Semi dhe

Qyteza punojnë tok / Chandra Michiko Ghosh Ippen, Melissa

Brymer ; il. Erich Ippen ; përkth. Enkel Bulica. - Tiranë :

Fondacioni "Together Albania", 2020

76 f. ; 28 x 20 cm cm.

Tit. origj.: Trinka and Sam : fighting the big virus :

Trinka, Sam and Littletown work together

ISBN 978-9928-4608-1-3

1.Viruse 2.Kujdesi dhe higjiena 3.Botime për fëmijë

613.9 (0.053.2)

Trinka dhe Semi

Mposhtja e virusit të madh

Trinka, Semi dhe Qyteza punojnë tok



TRINKA dhe SEMI

Mposhtja e virusit të madh

Trinka, Semi dhe Qyteza punojnë tok

TRINKA dhe SEMI
Mposhtja e virusit të madh
Trinka, Semi dhe qyteza punojnë tok
Nga Chandra Michiko Ghosh Ippen dhe Melissa Brymer
Ilustrimet nga Erich Ippen, Jr

Shënim: Ky tregim u krijua për t'u përdorur ose veças ose bashkë me broshurën shoqëruese, Mposhtja e virusit të madh: Pyetjet e Trinkës dhe Semit. Tregimi dhe broshura shoqëruese u krijuan për t'i ndihmuar fëmijët e vegjël dhe familjet e tyre që të fillojnë të flasin për përvojat dhe ndjenjat e tyre që lidhen me pandeminë globale të koronavirusit.

© 2020 Chandra Ghosh Ippen. Të gjitha të drejtat e rezervuara. Ky tregim mund të kopjohet dhe shpërndahet falas por nuk mund të shitet. Përmbajtja nuk mund të ndryshohet, përveç se me lejen me shkrim të autorit parësor (chandra.ghosh@ucsf.edu).

Varianti 1.0. Data e publikimit 18 Prill 2020

A PARTNER IN
NCTSN

The National Child
Traumatic Stress Network

Përktheu:

Enkel Bulica, Psikolog Klinik

Rishikimi i përmbajtjes:

Anila Sulstarova, PhD,
Psikologe Klinike -
Psikoterapiste

Ky tregim botohet në shqip në kuadër të projektit **“Le të flasim për virusin”**, nismë e Fondacioni Together Albania në bashkëpunim me World Vision Albania për lehtësimin e tronditjes psikologjike tek fëmijët e moshave 4-13 vjeç dhe familjet e tyre.



Foundation
Together
Albania

World Vision



Më shumë informacione mbi tregimin, përdorimin e tregimit dhe ekipin që e krijoi tregimin mund t'i gjeni në: <http://piploproductions.com/stories/trinka-and-sam/>. Në këtë faqe interneti gjeni dhe tregime dhe burime të tjera të cilat mund t'u vijnë në ndihmë fëmijëve dhe familjeve për t'u shëruar kur kanë kaluar një përvojë stresuese ose tronditëse.

Krijimi i këtij tregimi u mbështet pjesërisht nga Irving Harris Foundation si dhe nga fonde të “Early Trauma Treatment Network” (ETTN) pranë Universitetit të Kalifornisë, San Francisco si dhe nga qendra kombëtare e “National Child Traumatic Stress Network”, nga “Substance Abuse and Mental Health Services Administration (SAMHSA), US Department of Health and Human Services (HHS)”.

Pikëpamjet, politikat dhe opinionet e shprehura janë ato të autorëve dhe jo domosdoshmërisht pasqyrojnë ato të SAMSA apo të HHS.

Për informacione të tjera se si mund t'i ndihmoni fëmijët që kanë përjetuar ngjarje stresuese apo ngjarje të tjera tronditëse, drejtohuni tek faqja: nctsn.org.

Mirënjohje: Falenderime të veçanta për Mindy Kronenberg, Ann Chu dhe Brooke Kimbro për idetë dhe mendimet e tyre mbi këtë tregim.

Ky tregim u krijua në bashkëpunim me “Early Trauma Treatment Network”, partner i “National Child Traumatic Stress Network.”

Ky projekt u financua nga “Substance Abuse and Mental Health Services Administration (SAMHSA), US Department of Health and Human Services (HHS)”. Pikëpamjet, politikat dhe opinionet e shprehura janë ato të autorëve dhe jo domosdoshmërisht pasqyrojnë ato të SAMSA apo të HHS.



REPUBLIKA E ALBANISË
MINISTRIA E ARSIMIT
SPORTIT DHE RINISË

Për fëmijët dhe punonjësit e linjës së parë në mbarë botën. Jeni në zemrat tona!

Për të rriturit: Ky tregim u krijua për të ndihmuar fëmijët të përballojnë frikën dhe shqetësimet e lidhura me COVID-19. Lutemi ta lexoni vetë të parët, e më pas të vendosni nëse ky tregim është i përshtatshëm për t'ia lexuar fëmijës tuaj. Shfletoni udhëzuesin për prindërit si dhe broshurën bashkëshoqëruese “*Pyetjet e Trinkës dhe Semit*”. Edhe nëse zgjidhni që t’i lexoni fëmijës vetëm disa prej faqeve, tregimi, broshura dhe udhëzuesi për prindërit që gjenden në fund të tregimit, mund t’ju ndihmojnë të kuptoni më mirë reagimet e fëmijëve ndaj COVID-19. Nëse vendosni ta lexoni tregimin së bashku me fëmijën, mund ta inkurajoni për të ngjyrosur disa prej figurave. Nëse aty ku jetoni, njerëzit mbajnë maska kur dalin nga shtëpia, ju dhe fëmija juaj mund t’i ngjyrosni maskat e miushëve kur ata dalin nga shtëpia.




Kjo është Trinkka.



Dhe ky është Semi.



Ata janë fqinj dhe pëlqejnë të luajnë me njëri-tjetrin.



Në pranverë, rendin jashtë dhe përhëndesin lulet e sapoçelura.



Pas shiut, pëlqejnë të hidhen mbi
pellgje.

---- Eja Semi

Ja, po vij




Ikim Trinkka.- - -

Por është kaq qejf.





Janë të dëgjueshëm kur vjen
koha për ta ndalur lojën ... eh ...
pothuajse gjithmonë.



Një ditë, ndërsa po shihnin televizor në shtëpinë e Semit, dëgjuan për një virus që po përhapej dhe që kishte infektuar shumë njerëz. Të rriturit në televizor dukeshin të shqetësuar.

Edhe Trinkka me Semin u shqetësuan. Edhe Beni, vëllai i vogël i Semit, edhe Zhuzhu, kafsha shtëpiake, sikur e dinin që diçka e frikshme po ndodhte.



Pasi kaluan disa ditë, panë njerëz që mbanin maska në fytyrë.
Nuk e kuptonin pse.



Panë njerëz që blinin shumë ushqime dhe me raste, disa ushqime kishin mbaruar. Kjo ishte e çuditshme.


Çfarë është k.or..oona?

A do të sëmuresh ti?

Kjo është pyetje e mirë.
Çfarë ke dëgjuar për të?

A do të sëmurem?

Të shpresojmë që jo. Po kujdesemi shumë për shëndetin tonë. Edhe nëse na ndodh, pjesa më e madhe e njerëzve shërohen.






Atë natë, Trinkka dhe Semi kishin shumë pyetje për prindërit. Folën bashkë dhe prindërit ua dëgjuan me kujdes shqetësimet. Prindërit i ndihmuan të kuptojnë se njerëzit po shqetësoheshin për shkak të atij virusit të MADH. Folën dhe se çfarë mund të bënin për t'u mbrojtur nga ai.

Pyetjet dhe shqetësimet e Trinkës dhe Semit


Shënim për prindërit dhe kujdestarë të tjerë.

- Trinkka dhe Semi kishin shumë pyetje.
- Edhe fëmija juaj mund të ketë disa prej këtyre pyetjeve.
- Shfletoni faqet dhe vendosni se cilat janë më të përshtatshme për fëmijën tuaj.
- Mund të anashkaloni faqet që mendoni se nuk i ndihmojnë fëmijët tuaj për shkak të mënyrës se si po ndikon virusi në komunitetin dhe familjen tuaj ose nëse keni biseduar tashmë për këto gjëra në familjen tuaj.






Pasi biseduan me prindërit, Trinkka dhe Semi u ndjenë shumë më mirë. Edhe pse virusi nuk ishte larguar ende nga Qyteza, ishte mirë të flisnin për shqetësimet dhe të mendonin për të gjitha gjërat e dobishme që familja dhe Qyteza po bënin për t'u mbrojtur.



Ndërsa virusi vazhdonte të përhapej, jetët e tyre ndryshuan shumë ...



Semi nuk do të shkonte në shkollë. E merrte malli për mësuesen dhe shokët e shoqet e klasës. Pyeste veten nëse do t'i takonte përsëri.



Trinka dhe mami i bënin mësimet bashkë. Ndonjëherë gjithçka shkonte mirë por ndonjëherë edhe Trinka, edhe mami ndiheshin të tendosura.

Pse nuk mund të shkoj te shtëpia e Trinkës?



Më vjen keq Sem. Edhe unë do të doja që ti të shkoje.

Më vjen keq Trinka. Na kanë thënë të gjithëve që t'i rrimë larg njëri-tjetrit, që virusi mos të përhapet.



Trinka dhe Semi donin të luanin bashkë, por nuk mundeshin.

Përshendetje Semi. Ah, sikur të vije dot nga shtëpia ime.



Edhe unë do të doja shumë.



Mundeshin ta përshëndesnin njëri-tjetrin nga larg dhe të luanin ngriva-shkriva, por nuk ishte njësoj. Kishin mall për njëri-tjetrin.

Po e mbyllim parkun e lojërave. Do ta hapim sërish kur përhapja e virusit të ulet.

Më vjen keq. Nëse ti luan në të njëjtin vend ku ka lugjitur dikush që e ka virusin, mund të të ngjitet edhe ty.



Mundeshin të dilnin për shëtitje, por parku i lojërave ishte mbyllur. Trinkka u mërzi. Ajo donte të luante tek rrëshqitësja, por roja Petriti i tha se parku i lojërave është mbyllur për të ndalur përhapjen e virusit. Mbyllja e parkut të lojërave ishte përpjekje për t'u mbrojtur nga virusi.

Pse duhet të presim në radhë?

Duhet të ruajmë distancën mes nesh dhe njerëzve që nuk jetojnë me ne. Aq hapësirë sa ç'do të zinte një makinë e parkuar mes nesh dhe atyre.

Që virusi mos të përhapet, po sigurohen që brenda në dyqan të mos grumbullohen shumë njerëz. Mos harro se ky virus i ka shumë qejf grumbujt e njerëzve.



Kur donin të shkonin në bulmetore, duhet të prisnin në radhë të gjatë. Mami i shpjegonte Trinkës se arsyeja ishte që brenda dyqanit të mos grumbulloheshin shumë njerëz. Kështu, punonjësit dhe kushdo që hynte brenda në dyqan do të ishin më të mbrojtur.

Mos harro, drita e gjelbër do të thotë që mund të hysh dhe drita e kuqe që duhet të ndalosh.

Ah, edhe një rregull tjetër - duhet të ndalosh fiks tek shenjat e ngjitura mbi dysheme.



Pritja ishte e mërzitshme, por jo gjithmone. Aty në radhë, takuan gjyshe Ninën e cila ishte një zonjë shumë e këndshme. Ajo luante me Trinkën dhe mamanë e saj lojën 'dritë e kuqe, dritë e gjelbër'. Nuk u desh shumë deri sa të gjithë që po prisnin në radhë t'i bashkoheshin lojës. Kështu koha kalonte më shpejt dhe këndshëm. Ndërkohë njihje dhe miq të rinj.


Oh, mua më pëlqen shumë torta e djathhit.



Do të tregoj se si e gatuj.




Me sa shoh duhet të blejmë më shumë djath që dhe ne të gatujmë një tortë djathi.




Urraaaa, sa mirë.

Gjyshe Nina do të blinte djathë për të gatuar tortë djathi. Tani nuk mund t'i takonte nipërit e saj, por këtë pasdite do ta gatuanin tortën së bashku me anë të video-telefonatës. Kur mori vesh se torta e djathhit ishte e preferuara e Trinkës, ajo u tregoi recetën e saj sekrete.



Ishte shumë vështirë të rrije brenda dhe të mos bëje gjërat e zakonshme. Çdo familje përpiqej ta kalonte kohën duke u argëtuar. Trinkka dhe mami i saj luanin shumë lojra.




Oh dhe sigurisht, ato gatuan tortën e djathit sipas recetës sekrete të gjyshe Ninës dhe vendosën të gatujnë një edhe për familjen e Semit.

Do t'ia jap një
Trinkës.

Ide e
shkëlqyer.



Kush e di ku është
fshehur Beni?




Semi bashkë me familjen e tij
mbollën fara bimësh dhe i shihnin
tek rriteshin.

Ata luanin shpesh kukafshehti.
Beni e pëlqente shumë këtë
lojë edhe pse nuk arrinte të
fshihej mirë.



Familjet ia kalonin mirë por ndonjëherë hasnin dhe vështirësi. Kishte ditë kur Trinkka vetëm qante dhe tregohej e pabindur.



Më duhet të punoj.
Duhet të pastroj.


Mirë. E shoh që ke nevojë për mua.

Më mbaj në krahë mami.


Mami, mami, mami.

Ndonjëherë Trinkka kishte nevojë për mamin, por mami ishte e zënë duke bërë disa gjëra njëkohësisht.

Nuk mund të vish për vizitë tani z. Pellush. Jemi miq, por s'kemi çfarë t'i bëjmë virusit të keq ...



Mami na do, Zhuzhu. Duhet të presim pak, sa ajo të përfundojë telefonatën e rëndësishme.



Ndonjëherë, Mami i Trinkës kishte telefonata të rëndësishme për të bërë. Ajo i thonte Trinkës të luante vetëm.

Trinka!!

Të thashë që po bëj një telefonatë të rëndësishme.

Mami, Z. Pellush dhe Zhuzhujat duan të të tregojnë se çfarë kanë bërë.



Trinka përpiqej ta dëgjonte dhe të ndiqte këshillat, por nuk priste dot. Ajo bashkë me Zhuzhunë vendosën të shkojnë për të parë çfarë po bënte mami. Mami nuk dukej shumë e gëzuar.

E di që është e vështirë.
Ndonjëherë mamatë duhet
të merren me gjëra të
rëndësishme.

Ta mendojmë se
ç'mund të bëjmë

Drita e gjelbër do të thotë
se unë mund të pyes, por
me zë të ulët.

E verdha do të thotë se
duhet të bëj kujdes sepse je
duke u marrë me punë.

E kuqja do të thotë se
duhet të përqijem shumë
që të pres.

Mami a
mbarove?

Më vjen
shumë
keq.


Nuk ka problem.
Po na ndodh të
gjithëve. Familja
është më e
rëndësishme.

Mami i Trinkës kishte nevojë për
pak kohë për t'u qetësuar. Më pas
ata flisnin për çfarë kishte ndodhur
dhe se si ndiheshin. Së bashku bënë
një plan. Vizatuan disa shenja që
mami i Trinkës mund t'i vendoste
mbi derë atëherë kur ishte e zënë
me punë.

Plani me shenja funksiononte më
së miri por ndonjëherë e kishte të
vështirë të rrinte larg mamit.



Edhe në shtëpinë e Semit po hasnin probleme. Në disa raste, TË GJITHË zgjoheshin me humor të keq.



Ndonjëherë të rriturit inatoseshin me njëri-tjetrin. Kjo NUK i pëlqente aspak Semit dhe Benit. Ata ndiheshin të shqetësuar.

Pse s'mund të shkroj
në shkollë?




??? Ta kam
shpjeguar kushedi sa
herë këtë gjë.

Edhe Semi zemërohej. E kishte
të vështirë ta kuptonte se pse
gjërat kishin ndryshuar kaq
shumë.




Ai merrte lodrat e vëllait.



Ai përplaste derën.

Ai nuk e dëgjonte babin e tij.

Prindërit e tij përpiqeshin të bënin
durim por kur Semi sillej keq, nuk
dinin më çfarë të bënin.




Semi ndihej keq, pasi kishte bërë një sjellje jo të mirë. Edhe prindërit ndiheshin keq.




Flisinin se si ndiheshin brenda trupit të tyre.



E mirëkuptonin njëri-tjetrin kur kishin nevojë të rrinin pak vetëm për të rifituar energji dhe durim.



Vraponin për ta larguar mërzinë, për t'u argëtuar dhe për të ndihmuar gjithsecilin të ndihej pak më mirë.




Lexonin libra që i nxisnin të flisinin për ndjenjat që kishin.

Të gjithë ishin të tendosur dhe kishin nevojë për ndihmë, ndaj menduan të bëjnë aktivitete të ndryshme për t'u çliruar.



Familjet anembanë Qytezës ishin të shqetësuar për arsye nga më të ndryshmet. Disa kishin të afërm që ishin sëmurë. Të tjerë shqetësoheshin se mos humbisnin vendet e punës pasi shumë biznese po mbylleshin.

Edhe pse të vegjël, fëmijët e dinin se ç'po ndodhte.



Mami i Semit punonte në spital dhe kujdesej për ata që kishin nevojë për ndihmë. Fëmijët ishin krenarë për punën që ajo bënte por edhe shqetësoheshin për të. Ajo u tregonte disa prej mënyrave se si mbrohej nga virusi gjatë punës.

Po jetoj në katin e poshtëm të shtëpisë kurse familja ime jeton në katin më lart. Ne jemi çdo ditë në kontakt me virusin ndaj duhet të mbrojmë familjen time, por Beni dhe Semi e kanë të vështirë ta kuptojnë se pse po iu rri larg.

Motra ime po kujdeset për fëmijët e mi. Më ka marrë malli për ta.


Tani që numri i pacientëve po shtohet, do të qëndroj në një hotel për ta mbrojtur familjen time nga virusi.

Do të mërzhitem shumë.

Edhe unë.

Le të bëjmë një plan për çdo rast.

Nëse unë largohem, do të kthehem në shtëpi sa më shpejt të mundem.



Mami u tha se nëse virusi do të vazhdonte të përhapej, ajo duhet të shkonte të qëndronte në një dhomë tjetër. Për shkak të punës së saj, ajo takonte shumë njerëz të cilët e kishin virusin. Ajo donte t'i ndihmonte njerëzit por dhe të mbronte familjen e saj. Semi e dinte se mami ishte shumë e guximshme dhe donte të ishte i guximshëm si ajo, por e kishte të vështirë.

Shumë njerëz po qëndrojnë në shtëpi, por njerëzit që kujdesen për shëndetin e të tjerëve dhe ata që ndihmojnë komunitetin duhet të jenë në punë.

E di që të merr malli për të.

Pse duhet të shkojë mami? A nuk duhet të qëndrojmë brenda në shtëpi?



Mami ndihmon njerëzit e sëmurë. Ata kanë shumë nevojë për të.

Edhe pse Semit dhe Ben bebushit nuk u pëlqente kur mami largohej për në punë, për çdo gjë kishin babin e tyre aty.

Shiko mami, kam vizatuar portretin tënd.



Mirëdita djemat e mi të ëmbël. Ju dua shumë.

Mami i telefononte nga spitali. Edhe pse nuk i kishte pranë, i kishte gjithmonë në zemrën e saj.

Si kanë shkuar gjërat
andej nga ju?



Edhe pse ndonjëherë e
vështirë, jemi gëzuar
që kemi qëndruar më
shumë kohë bashkë.



Është e vështirë të punosh dhe
njëkohësisht të kujdesesh për
fëmijët. Isha në mes të një
telefonate kur Semi ia dha të qarit
sepse Beni i prishi lodrën, ndërkohë
që Beni deklaronte me krenari se
kishte ndotur pelenën e tij.



Në fillim ndjeja
shumë turp por
të tjerët treguan
mirëkuptim. Madje,
filluam të mendojmë
të vendosim bast se
cili prej fëmijëve tanë
do të kishte nevojë i
pari për t'ia ndërruar
pelenat gjatë një
telefonate.

Prindërit kishin nevojë të flisnin dhe të mbështesnin njëri-tjetrin. Ata po merreshin me shumë gjëra njëkohësisht. Kur takoheshin flisnin për gjëra të rënda por dhe për ndonjë histori të këndshme që i bënte për të qeshur dhe kështu kuptonin se nuk ishin vetëm. Ndanin dhe receta apo ide mbi aktivitete që mund t'i bënin bashkë me fëmijët e tyre. Kuptuan se, edhe pse në largësi, ata ishin bashkë.




Do te shkojmë në dyqan. A mund t'ju marrim diçka?

Sa të sjellshëm jeni.

Shiko mami, Semi ka vizatuar diçka për mua.

Familjet e Qytezës bënë gjëra që ta mbronin komunitetin nga virusi. Ata mbështesnin njëri-tjetrin dhe gjenin mënyra për të ndihmuar fëmijët.

Familjet e mëdha hanin vaktet bashkë.



Edhe familjet e vogla.




Kalonin kohë bashkë dhe përpiqeshin të ktheheshin tek zakonet e thjeshta të tilla si gatimi dhe ngrënia e vakteve së bashku.

Edhe një tregim dhe
pastaj është koha
për gjumë.



Ata përpiqeshin të ruanin
orarin ditor.

Më pëlqejnë lojrat
formuese.



Edhe mua.


Dhe bënin gjëra argëtuese.



Shumë shpesh kërcenin dhe bënin ushtrime...



Mami çka
po ndodh?




Ranë dakord se kur ishte koha për të parë
lajme dhe kur do ta fiknin televizorin.

Më duket se e
kemi dëgjuar
këtë informacion.
Më mirë e fikim
televizorin.




Përqaфонin fortë njëri-tjetrit.

Gjenin mënyra për ta ulur stresin.




Flisnin mbi ndjenjat që kishin dhe mendonin gjëra që mund të bënin për të kaluar trishtimin, zemërimin, prahatinë apo turpin. Perjetonin çaste gëzime, qetësie dhe fitoreje.




Ata ishin të trishtuar sepse nuk do të merrnin dot pjesë në festime të ndryshme, si matura, ditëlindjet por gjetën mënyra të reja për të festuar. Ishin ndryshe por njësoj të bukura e të rëndësishme.




Do t'i vendos këto në dritare dhe do t'ia dërgoj një gjyshes.




Ata i ndihmonin të tjerët.



Dhe duartroksinin e këndonin. Edhe pse ishin në largësi, ata ishin bashkë.



Jemi të gëzuar që po na sjellin rregullisht furnizime ushqimore.



Jeni të shkëlqyer!

Falemnderit që punoni kaq shumë që ne të blejmë ushqime në mënyrë të sigurtë.

Do të duhej pak kohë. Ndërsa prisnin, ata ndiheshin mirënjohës për çdokënd që ndihmonte njerëzit e sëmurë, për fermerët që rrisnin ushqimet, për ata që kujdeseshin që dyqanet të kishin ushqime dhe që dorëzonin paketot ...

Jemi shumë mirënjohës për të gjithë punonjësit e linjës së parë. Kemi nevojë të punojmë së bashku për t'u siguruar se të gjithë kanë kujdesin e duhur.




Falemnderit për informacionin e ri. Mendoj se jemi pranë zbulimit të vaksinës.



Përshëndetje Klasa. Edhe unë jam në shtëpi. Jam shumë i gëzuar që ju shoh. Shoh se të gjithë keni sjellë një lodër pellushi me vete.

Përshëndetje Piplo!
Mësues Tiku, ku jeni tani?



... Për mësuesit dhe për shkencëtarët që punonin fort për të ndaluar përhapjen e virusit, për të gjithë njerëzit të cilët ishin të sjellshëm dhe ndihmues.

S'na pëlqen të kërkojmë
ndihmë por familja e Semit
dëshiron të na ndihmojë.

Mendoj se ke të drejtë. Kemi
nevojë për ndihmë.

Oh, Piplo. Të gjithë
jemi mërzitur. Më
vjen keq.

Nuk mund të
shkojmë të punojmë
prandaj jemi të
shqetësuar për
paratë.

Tani disa gjëra nuk
mund t'i blejmë,
si për shembull
embëlsirat.




Tani, është kohë e vështirë
dhe jemi këtu për ju. Ju
duam kaq shumë!



Ishin shumë mirënjohës për të gjithë njerëzit të cilët kishin qëndruar në shtëpi dhe nuk mundeshin të punonin. Familjarët e Piplos ishin të shqetësuar se mos humbisnin vendet e punës dhe nëse do të kishin mjaft para për të paguar qiranë e shtëpisë dhe ushqimet. Prapëseprapë ata ndejtën në shtëpi për të mbrojtur Qytezën, për t'u siguruar se spitalet nuk do të mbusheshin me të sëmurë dhe se virusi nuk do të shpërndahej aq shpejt. Edhe ata ishin heronj.

Falë bashkëpunimit të shkencëtarëve nga e gjithë bota kemi përparuar në zbulimin e një trajtimi për koronavirusin.




Gjërat filluan të përmirësohen pak nga pak. Shkencëtarët zbuluan mënyra për ta testuar virusin dhe zbuluan trajtime.

Sa mirë që ju takoj të gjithëve. Mirëseerdhët në shkollë!



Fëmijët u rikthyen në shkollë. Prindërit u rikthyen në punë. Ata ndoqën rregullat e reja të mbrojtjes dhe gjetën disa mënyra për ta mposhtur virusin.



Do të duhej pak kohë. Herë pas here ata do të kishin nevojë të dëgjonin me kujdes dhe të ndiqnin rregullat për ta ruajtur gjithkënd nga virusi. Shumë gjëra do të ndryshonin por me kalimin e kohës do të mund të dilnin jashtë për të luajtur.

Gjëra të mira që po i bën familja ime.



Personat që kanë ndihmuar e për të cilët ne jemi mirënjohës.

